

SCRIPT OF EVENING GOJRI NEWS BULLETIN 21JULY 1700 HRS

ایویننگ گو جری نیوز بلیٹن مو رخہ 21 جولائی 2025

یوہ آکا شوانی جموں ہے محمد آسف لودی تے نصرت تیں خبر سٹو۔

HEADLINES

۱۔ پارلیمنٹ غو مون سون اجلاس آج تیں شروع ہو گيو ہے وزیر اعظم نریندر مودی غ وکھنو ہے جے اوپریشن سندور نے پہلگام حملہ تیں بعد بھارت غی طاقت غو مظاہرہ کيو ہے۔

۲۔ سماجی پلانی بہتری بارے محکمہ غی وزیر سکینہ ٹو غو کھنو ہے جے حکومت کڑیاں گا بیاہ غی خاطر میریج اسٹینٹ سکیم مانہہ تعلیمی قابیلٹ ناں ہٹاں جاری ہے۔

۳۔ جموں کشمیر مانہہ سیاحت مانہہ مزید بعدادو دیکھیو جارہیو ہے سن 2024 مانہہ 2 کروڑ 35 لکھ سیلانیان نے جموں کشمیر غی سیر کی ہے۔

۴۔ لگاتار بارش غ وچہ تیں شری ماتا ویشنو دیوی غا رستہ متاثر ہون گے نال نال پونچھ ضلع مانہہ سکول عمارت پسی غی صد مانہہ آگنی ہے لیفٹیننٹ گورنر منوج سنہا تے وزیر اعلیٰ عمر عبداللہ نے اس معاملہ ور ڈنگو دکھ غو اظہار کيو ہے۔

۵۔ جموں کشمیر مانہہ آئیندہ تہاڑیں موسم مانہہ مزید تبدیلی ان غے نال نال متی ساری جگہاں ور پسی پین غی پیشن گوئی کی گئی ہے۔

MONSOON SESSION

پارلیمنٹ غو مون سون اجلاس آج تیں شروع ہو گيو ہے اجلاس غی شروعات مانہہ آج لوک سبھا سپیکر اوم برلا نے پہلگام حملہ دہشت گردانہ حملہ غے دوران شہید ہوا 26 افراد غی ہلاکت ور ڈونگو دکھ غو اظہار کيو بعد ماتہ ہلوک سبھا سپیکر نے بھارتی خلا باز شوبانشو سکلا ناں بین العقوامی خلائی مرکز غا سفر ورں باحفاظت واپسی بارے مبارک باد دتی لوک سبھا مانہہ پہلگام حملہ تے اس تیں بعد اوپریشن سندھور ور بحس کیا جان گو معاملو کڑی کڑی جايو گيو جس تیں بعد ایوان غی کاروائی 4 بجی توڑی ملتوی کردتی گئی جیساں غی 4 بجے کاروائی دوبارہ شروع ہونیتاں سیکٹر نے اس ناں پورا دن واسطے ملتوی کردتو اواں راجیہ سبھا مانہہ آج چنرمین جگدیپ دھنکر نے 3 نامزد تے 2 چنیا گیا ممبران ناں عہدے ت راہ داری غو حلف دوايو راجیہ سبھا مانہہ وی پہلگام حملہ مانہہ ضائع ہوئی انسانی جانان تے بھارتیہ ہوائی جہاز غا ٹہن ور ڈونگو دکھ ظاہر کی وگيو ہے واضع رہ جے راجیہ سبھا مانہہ وی پہلگام حملہ بارے بحث کرن غا معاملہ ناں کری کڑی چان غا سلسلہ مانہہ ایوان غی کاروائی پورا دن متاثر رہی۔

PM MONSOON SESSION

پارلیمنٹ غا مون سون اجلاس غی شروعات غا موقع ور آج وزیر اعظم نریندر مودی ن بھارت غی طرفوں پاکستان غے خلاف کیا گیا اوپریشن سندھور غی تعریف کرتا واں کہیو ہے جے یوہ بھارتی فوج غی مزید بہادری واسطے سنگ میل ثابت وے گو اُن نے کہیو ہے اس منعقد مانہہ بھارت نے 100 فی صد کامیابی حاصل کرغے 22 منٹ غا وقت مانہہ دہشت گردان گا ٹھکانہ نانہہ تباہ کردتو تھو جس نے بھارت غا دفاعی نظام غی صلاحیت ناں دنیا غے باندے آئیو ہے مون سون اجلاس ناں فتح غا جتن غا طور ور منان غی صلاح دیتا

واں وزیر اعظم نے تمام ممبران پیارلیمنٹ ور زور دتو جے وے اک آواز ہو غے بھارتی شہریاں تے دفاعی نظام غی حوصلہ افزائی کریں اس موقع ور وزیر اعظم نے پہلگام مانہ ہوا دبست گردانہ حملہ غی مزمت کرتا واں ڈونگو دکھ ظاہر کیو تے تمام سیاسی پارٹیاں غی طرفوں پہلگام حملہ مانہ اک زبان غو مزمت کرن غی تاریف کی۔

MARRIAGE ASSISTANT SCHEME

سماج غی پلانی بہتری بارے محکمہ غی وزیر سکینہ اتو نے کہیو ہے کہ حکومت کڑیاں غا بیہ غی خاطر مالی امداد فراہم کرن بارے میریج اسٹینٹ نامی سکیم مانہ تعلیمی قابلیت ناں ختم کرن جارہی ہے اج اس سلسلہ مانہ اخباری نویسیاں نال گل کرتا واں وزیر موصوف نے کہیو ہے جے اس تیں پہلاں مالی مدد حاصل کرن غی خاطر تعلیمی قابلیت غی حد 8ویں جماعت پاس رکھی گئی تھی جس ناہے جموں کشمیر حکومت تاولاں غی ہٹا دے گی محترمہ اتو نے مزید کہیو جے مالی طور ور کمزور لوکاں نے اس معاملہ ناں حکومت نول چایو ہے جس تیں بعد جموں کشمیر حکومت کڑیاں غا بیہ غی خاطر مالی رقومات غی امداد حاصل کرن بارے تعلیمی قابلیت ناں ہٹان جارہی ہے اس سلسلہ مانہ وزیر موصوف نے مزید اس طرح کہیو۔

TOURISM BOOM

مرکزی حکومت نے اج ایوان ناں جانکاری دیتاواں دسیو ہے جے جموں کشمیر مانہ ہن ریکارڈ توڑ سیاحت ترقی نال آگے بد رہی ہے تے سن 2024 مانہ 2 کروڑ 35 لکھ سیلانیان نے جموں کشمیر غی سیر کر غے اک نوی تاریخ رقم کی ہے اس گل غی جانکاری محکمہ سیاحت غا مرکزی وزیر وزیر گجندر سنگھ شکھاوت نے اج ایوان مانہ پارلیمنٹ ممبر تے جسوی سورے غی طرفوں پوچھیا گیا اکن سوال غ جواب مانہ دتے ہے وزیر موصوف نے یو وی دسیو جے سن 2020 مانہ ملک غا 25 لکھ 19 ہزار سیلانیان نیجموں کشمیر غی سیر کی تھی جد کہ 2024 مانہ یا تعداد 2 کروڑ 35 لکھ توڑی جابو جی ہے جد کہ بیرون ملک غا سیلانیان غی تعداد مانہ وی سن 2024 مانہ متو بعدر دیکھیو گیو ہے۔

EARTHQUAKE

اج صبح سویرے کشمیر گا ضلع کشتواڑ مانہ 3 عشریہ 1 شدت غو زلزلو آیو۔ آکاشوانی جموں غا نمائیندہ غے مطابق قومی زلزلہ پیما مرکز غو کہنو ہے کہ زلزلہ غو مرکز کشتواڑ غے قریب تھو تے یوپ سویرے غا 1 بج غے 36 منٹ ور آیو تھو۔ زلزلہ غی گہرائی زمین گے ہن 10 کلو میٹر تھی جہیڑو 33 اشاریہ 17 ڈگری شمال تے 75 اشاریہ 87 ڈگری مشرق غی جانب تھو تاہم اجیں توڑی کسی وی جانی تے مالی نقصان غی کائے خبر نہیں ہے۔

SEARCH OF KISHTWAR

کشتواڑ ضلع گا گنا جنگلاتی علاقہ مانہ دبشت گردان ناں لوڑن غی خاطر حفاظتی دستاں نے اج نکی لو دوبارہ تیں تلاشی کاروائی شروع کردتی ہیں اس سلسلہ مانہ آکاشوانی جموں گا مہارا نمائندہ نے خبر ثوری ہے جے دھچن تے ناگ سنی علاقان مانہ دبشت گردان غی موجودگی بارے اک سولگن تیں بعد جموں کشمیر پولیس ت بھارتی فوج نے گئی شام علاقہ غی تلاشی کاروائی کیں جس دوران دواں پاساں تیں گولی باری غو تبادلو شروع ہو

گیو تے رات چرین تلاشی کاروائی بند کرن تیں بعد اج سویرے دوبارہ تیں شروع کردتی گئی ہے۔ زریعاں نے دسیو ہے جے علاقہ مانہہ حزب المجاہدین تنظیم نال وابسطہ چوٹی غا دہشت گرد موجود ہیں جن ناہ تباہ کرن غی خاطر 30-30 لکھ روپیاں غی رقم انعام غا طور رکھی گئی ہے سرکاری ذریعاں نے دسیو ہے جے ڈرون ٹیکنالوجی تے مشقی کتاں غی مدد نال اوپریشن جاری ہے تے مزید تفصیلات غی اجیں اڈیک ہے۔

LANDSLIDE

لگاتار تیز بارش غی وجہ تیں اج شری ماتا ویشنو دیو کٹڑہ در جان آلا رستا متاثر ہوا ہیں جس وجہنال ماتا ویشنو دیوی غی گفا ور حاضری دین آلا 9 عقیدت مند زخمی ہو گیا ہیں واضع رہ جے زخمیاں ناں علاج غی خاطر ناراینہ اسپتال کٹڑہ مانہہ علاج غی خاطر ٹوریو گیو ہے ور بدقسمتی نال اک یاتری زخماں غو درد نہ سہتاں واں دم توڑ بیٹھو ذریعاں نے دسیو ہے جے اس سلسلہ مانہہ یاتریاں گا دوئے رستاں ناں بند کرغے یاترا ناں اگلا حکم نامہ توڑی معطل کردت وگیو ہے تے رستاں ناں بحال کرن غی خاطر کاروائی تیز کردتی گئی ہیں اوواں پونچھ ضلع غا کلسیاں بینچ علاقہ مانہہ اک سکولی عمارت غی دد مانہہ آنگا نتیجہ مانہہ 1 طالب علم ہلاک ہو گیو ہے جد کہ 1 ادستار تے 4 طالب علم زخمی ہو گیا ہیں اک سرکاری عہدے دار نے جانکاری دتی ہے جے زخمی طالب علماں ناں علاج غی خاطر اسپتال پونچھ مانہہ علاج غی خاطر پرتھی کرایو گیو ہے اس سلسلہ مانہہ مزید جانکاری دیتا واں ضلع اسپتال پونچھ غا میڈیکل سپر ٹینڈنٹ اشفاق احمد کوبلی نے اس طرح کہیو۔ اوواں لیفٹیننٹ گورنر منوج سنہا تے جموں کشمیر غا وزیر اعلیٰ عمر عبداللہ نے اس حادثہ ور ڈنگہ دکھ غو اظہار کیو ہے۔

BHAL PADRI FESTIVAL

سیاحت ناہہ فروغ دین غا مقصد تیں ضلع ڈوڈہ غا خوبصورت میداناں مانہہ بہال پاڈری جنگلات و سیاحت میلہ غو پہلو انعقاد کیو گیو جس مانہہ تقریباً 30 ہزار افراد نے شرکت کی یوہ تہوار ضلعی انتظامیہ تے محکمہ سیاحت غا اشتراک تیں منعقد کیو گیو۔ اس موقع ور بلیسہ گا حسین قدرتی مناظر تے بھرپور ثقافتی ورثہ غی شاندار نمائش کی گئی۔ لوک روایتی موسیقی لوک عقص مہماتی سرگرمی تے شکر جاری مہم تیں لطف اندوز ہو رہیا ہیں اختتام ایک پُر اثر مشاعرہ غے نال ہوو جہیڑو علاقہ غا ادبی روایت ناہہ خراج تحسین پیش کرے اس تہوار غو مقصد پائیدار سیاحت ناہہ فروغ دینو تے عوامی شراکت ناہہ بدھانو تھو۔ اس بارے مزید گل کرتا واں ڈی سی ڈوڈہ ہرویندر سنگھ نے اس طرح کہیو۔

WEATHER

ہُن خبر موسم غی جموں کشمیر مانہہ اج تیں پھر موسم مانہہ تبدیلی گا امکان ہیں کیونجے محکمہ موسمیات نے اج تیں 23 جولائی ترے دناں توڑی بارش غی پیشین گوئی کی ہے۔ اس واسطے محکمہ موسمیات نے علاقہ مانہہ یلو تے اورینج الرٹ جاری کیو ہے پیش ہے اس بارا مانہہ یاہ رپوٹ۔
